

# آخر ليله ..

آخر ليله ..  
بانسى عتابي .. وأنسى أصحابي ..  
وأذكر واحد من غيَّابي ..  
دام الليله آخر ليله ..  
عن ليل غيابه باحكيه ..  
آخر ليله ..  
فيها كان الشعر بصدري وجهه شاحب ..  
وفيها كان غيابه راحب ..  
وفيها كان الناي الصَّاحب ..  
وكنتي غير ..  
كنتي أزهار ونوير ..  
وكنا غير ..  
كنتي عش ووقي طير ..  
وكان الكون بأسره شر .. وكنتي وحدك فيه الخير ..  
وكانت غير ..  
كانت غير ..

مشعل دهيم

عشت الدنيا بالقلوب !!  
وشفت الناس بدون ذنوب !!  
وشفت شعوب تحب شعوب !!  
وشفت قلوب ..  
أصدق .. من شعري بغيابك !!  
وأطهر .. من دمعات عتابك !!  
وأكذب من شكوى المتعوب !!  
آخر ليله ..  
كانت فرقى .. وأصحاب بغيبتهم غرقى ..  
وكنتي غير ..  
كنتي .. أزهار ونوير  
كنتي .. عش وشوقي طير ..  
كان الكون بأسره شر وكنتي وحدك فيه الخير !!  
فآخر ليله ..  
غيبه وصالك ..  
باقي من ذكراها نصالك ..  
في قلب من شدة حزنه لو طاريك مرقبله ..  
يحضنه بشوق ويرقصلك !!

